

Osuda napada na službenicu ureda za imovinska pitanja

OHR, UNHCR, OESS, i EUPM oštro osuđuju napad na voditeljicu Ureda za imovinska pitanja iz Zvornika, Republika Srpska, koji se dogodio jučer ujutro. Na osnovu trenutno dostupnih informacija, voditeljica je Ureda za imovinska pitanja izbodena nožem od strane raseljenoga lica koje je upravo toga jutra deložirano iz kuće u kojoj je živjelo kao nezakoniti korisnik. Voditeljica je Ureda za imovinska pitanja odmah prebačena u zvorničku bolnicu sa ozljedama koje nisu opasne po život. Osumnjičeni je uhapšen i prebačen u zatvor u Bijeljini.

Međunarodna zajednica poziva odgovarajuće predstavnike vlasti da provedu iscrpnu istragu o ovome incidentu i osiguraju odgovarajuću kaznu za počinitelja. Proces implementiranja imovinskih zakona se mora nastaviti, a prijetnje, nasilje ili slično ponašanje protiv službenika za imovinska pitanja ili članova njihovih porodica moraju biti rigorozno sankcionirani i rezultirati pokretanjem krivičnih prijava.